

БОЛАЛАРДА ПАРАЗИТАР КАСАЛЛИКЛАР ТАРҚАЛИШИ ВА КЛИНИК КЕЧИШ ХУСУСИЯТЛАРИ

Бакиев Бехзод

ТТА Урганч филиали 4-курс тиббий профилактика йўналиши талабаси.

Ибраимова Ҳ.Р

ТТА Урганч филиали, Юқумли касалликлар,
Эпидемиология ва Фтизиатрия кафедраси

Муаммонинг долзарблиги: Паразитлар келтириб чиқарадиган касалликлар ўзига хос ва кенг гуруҳга мансуб касалликларни бирлаштирган бўлиб, тиббий ижтимоий-иқтисодий аҳамиятга эга. ЖССТ берган маълумотларга кўра ,дунё бўйича паразитар инвазиялар билан 4,5 млрд.дан ортиқ киши касалланган . Бактериал ва вирусли инфекцияларга қарши улкан ютуқларга эришилганган бўлсада,паразитологияга хос кўп муаммолар ханузгача хал бўлмаган. Ушбу инвазиялар турининг йил сайин кўпайиши ,туризмнинг ўсиши билан боғлиқ бўлиб,тропик давлатлардан Осиёга кўпгина паразитларнинг олиб кирилишига сабаб бўлмоқда.Паразитар инвазиялар билан касалланиш кўрсаткичларининг ўсиши замонавий ,ўта сезгир диагностик усулларнинг татбиқ этилиши билан боғлиқ.

Тадқиқот натижалари: 3-6 ёшгача бўлган 116 нафар болаларда клиника-лаборатор ва паразитологик усуллар ёрдамида паразитар касалликлар аниқланди. Уларнинг 104 нафари боғча ва мактабга борадиган ва 12 нафари уй тарбияланувчилари бўлди .Ўғил болалар 53,5% ,қиз болалар 46,5%ни ташкил қилди. Тадқиқотимизнинг кейинги босқичида паразитар касалликларнинг клиник кўринишларини ўргандик: киндик атрофидаги оғриқ 60,3%,кўнгил айниш 58,2%,бош оғриғи 37,7%, дерматозлар 18,2%,уйқунинг бузилиши 12,3% иштаха пасайиши 25 ,8%,ориқлаб кетиш17,3%,бадан оқариши 12,6%,кечқурун

тишини ғичирлатиш 17,3%,тез-тез асабийлашиш 19,7% беморларда кузатилди.Тадқиқотимиз остида бўлган беморларнинг 60% да ич келиши ўзгаришсизлиги аниқланди .23,7%беморларда қабзиятга мойиллик,16,3% беморларда ич келиши ўзгариб туриши аниқланди .

Хулоса 3-6 ёшгача бўлган болаларда паразитар касалликларни тарқалишини ўрганиш натижасида асосан болалар ўртасида контакт йўли билан юқувчи энтеробиоз ва гименолепидоз касаллигининг кўп тарқалишини гувоҳи бўлдик.Бу асосан шу ёшдаги болаларнинг шахсий гигиена қоидаларига тўлиқ риоя қилмасликлари ва болаларнинг тарбияси билан шуғулланувчи кишиларнинг бу касалликларни олдини олиш бўйича билим савиясининг етарлича эмаслигидан далолат беради. 18 % беморларда касалликнинг қайталаниши бу касалликларнинг диспансер назорати хам тўғри йўлга қўйилмаганлигини кўрсатади.